



Wanjoñak eo kōn Irooj eo: Juon Katak kōn Pokake

Katak im Bujen Ko 101:43–62 ej kwa-
ļok juon wanjoñak
me kar letok ñan kōme-
ļeļeik etke ro Rekwojarjar
rekar kaddiwōļok er jān
Missouri.

Ikar ke kajjitōk kōn kien ko an Anij?

Kwaar ke, āinwōt ro rikare-
jeran, kar ļomņak eļāñne
juon kien ekar lukkuun
menin aiku? Wanjoñak in
ej katakin kōj bwe kien ko
an Irooj rej kōjparok kōj im
jipañ kōj mour lemōñōñō
ilo mour ko ad (bar lale
Mosaia 2:41; Katak im
Bujen Ko 82:8–10).

Ta eo jemaroñ kōm-
ņane ñe jejab loe aorōk
in juon kien?

- Ekkatak juon unin ekka-
tak im jar bwe Irooj en
jipañ kōj “eñjake eļāñne
ejimwe” (Katak im Bujen
Ko 9:8).
- Keememej ien ko
remootļok ke pokake
ekar bōktok kōjeraam-
ņan ko.¹
- Jerbal kōn tōmak, lōke
bwe jenaaj meļeļe “ālkin
mālejoñ in [ad] tōmak”
(Ether 12:6).

KAKEEMEMEJ KO

1. Lale Neil L. Andersen, “Emem-
ļokjeņ ko Ralikkar ilo Jetōb,”
Liaona, Māe 2020, 18–22.

Ilo wanjoñak in, ro rikare-
jeran rekar jino kalōk juon
tawōr ak kar ļomņak bwe
“ejjeļok unin aikuji” juon
(Katak im Bujen Ko 101:49).
Kōnke rekar jab kalōk
tawōr eo, ekkar ejjeļok kak-
kōl ñe rikōjdāt eo ej deļoņe
im kakkure jikin kallib eo.



*Ak irooj eo ekar jiroñ
ro rikarejeran ñan
katōk ilo jikin kallib
eo im kalōke iturin
wōjke ko im juon
tawōr bwe riwaj eo en
lale āneo.*

**Ro rikarejar
rekar katōk
jikin kallib eo
im kalōke ak
rekar kālet
ñan jab kalōk
tawōr eo.**

**Juon rikōjdāt eo
ekar kakkure jikin
kallib eo.**